

葛仙翁肘後備急方卷之五

陸五

葛仙翁肘後備急方卷之五

陸五

治癰疽妬乳諸毒腫方第三十六

隱居効方治羊疽瘡有蟲痒

附子八分藜蘆二分末傳之蟲自然出

葛氏療妳發諸癰疽發背及乳方

比灸其上百壯

又方熬粢粉令黑雞子白和之塗縛上以貼

癰小穿練上作小口泄毒氣燥易之神祕

又方釜底上搗以雞子中黃和塗之加少豉

彌良

又方搗黃檗末篩雞子白和厚塗之乾復易

又差

又方燒鹿角搗末以苦酒和塗之佳

又方於石上水磨鹿角取濁汁塗癰上乾復

易隨手消

又方末半夏雞子白和塗之陸五水磨傅並良

又方神効水磨出小品

又方醋和茱萸若搗薑或小蒜傅之並良

一切惡毒腫

蔓菁根一大握無以龍葵根代之乳頭香

一兩光明者黃連一兩宣州者杏仁四十
九枚去尖用柳木取三四錢白色者各細
剉搗三二百杵團作餅子厚三四分可腫
處大小貼之乾復易立散別貼膏藥治瘡
處佳

葛氏療癰發數十處方

取牛矢燒搗末以雞子白和塗之乾復易
神効

又方用鹿角桂雞屎別搗燒合和雞子白和

塗乾復上

又癰已有膿當使壞方

取白雞兩翅羽肢各一枚燒服之即穿姚

同

又方吞薏苡子一枚勿多

又方以苦酒和雀矢塗癰頭上如小豆

性五

二

葛氏若已結癰使聚不更長方

小豆末塗若雞子白和尤佳即差

又方芫花末膠汁和貼上燥復易化為水

若潰後膿血不止急痛

取生白楸葉十重貼上布帛寬縛之

乳腫

桂心甘草各二分烏頭一分炮搗為末和
苦酒塗紙覆之膿化為水則神効

葛氏婦女乳癰妬腫

削柳根皮熟搗火溫帛囊貯熨之冷更易

大良

又方取研米槌煮令沸絮中覆乳以熨上當
用二枚牙熨之數十迴止姚云神効

乳癰方

大黃蔞草伏龍肝竈下黃土也生薑各二

分先以三物搗篩又合生薑搗以醋和塗
乳痛則止極驗劉涓子不用生薑用生薑
四分分等余比見用鯽魚立驗此方小品
佳

姚氏乳癰

陸五

大黃鼠糞濕者黃連各一分三二物為末鼠
矢更搗以黍米粥清和傅乳四邊痛即止
愈無黍米用粳米並得同此方亦愈

又方牛馬矢傅並佳此並消去

小品妬方

小黃芩白欵芍藥分等末篩漿服一錢七日
又五服若右乳結者將左乳汁服左乳結者
將右乳汁服散消根姚同此方必愈

姚方搗生地黄傅之熱則易小豆亦佳
又云二三百衆療不差但堅紫色者

用前柳根皮法云熬令溫熨腫一宿愈

凡乳汁不得洩內結名妬乳乃急於癰

徐玉療乳中癰癰起痛方

大黃黃連各三兩水五升煮取一升二合

分三服得下即愈

葛氏卒毒腫起急痛方

蕪菁根大者削去上皮熟搗苦酒和如泥
煮三沸急攪之出傳腫帛裹上日再三易
用子亦良

又方燒牛矢末苦酒和傳上乾復易

又方水和石灰封上又苦酒磨升麻若青木
香或紫檀以磨傳上良

又方取水中萍子草熟搗以傳上
又已入腹者

麝香薰陸香青木香雞舌香各一兩以水

四升煮取二升分爲再服

若惡核腫結不肯散者

吳茱萸小蒜分等合搗傅之丹蒜亦得

又方搗鯽魚以傅之

若風腫多痒按之隨手起或隱癢方

陞五

四

但令痛以手摩捋抑按日數度自消

又方以苦酒磨桂若獨活數傅之良

身體頭面忽有暴腫處如吹方

巴豆三十枚連皮碎水五升煮取三升去

滓綿沾以拭腫上趁手消勿近口

皮肉卒腫起狹長赤痛名膈

鹿角五兩白斂一兩牡蠣四兩附子一兩
搗篩和苦酒塗帛上燥復易

小品癰結腫堅如石或如大核色不變或作
石癰不消

鹿角八兩燒作灰白斂二兩麤理黃色磨
石一斤燒令赤三物搗作末以苦酒和泥
厚塗癰上燥更塗取消止內服連翹湯下
之姚方云燒石令極赤內五升苦酒中復
燒又內苦酒中令減半止搗石和藥先用

所餘苦酒不足添上用

姚方若發腫至堅而有根者名曰石癰

當上灸百壯石子當碎出不出者可益壯
癰疽瘤石癰結筋癰癰皆不可就針角針
角者少有不及禍者也

陸五

又癰未潰方

茵草末和雞子白塗紙令厚貼上燥復易
得痛自差

癰腫振熅不可棖方

大黃搗篩以苦酒和貼腫上燥易不過三

即差減不復作膿自消除甚神驗也

癰腫未成膿

取牛耳垢封之即愈

若惡肉不盡者食肉藥食去以膏塗之則愈

食肉方

取白炭灰荻灰等分煎令如膏此不宜預

作十日則歇并可與去黑子此大毒若用

効驗本方用法

凡癰腫用

栝萋根赤小豆皆當內苦酒中五宿出熬

之畢搗為散以苦酒和塗紙上貼腫驗
隱居效方消癰腫

白斂二分藜蘆一分為末酒和如泥貼上
日三大良

疽瘡骨出

黃連牡蠣各二分為末先鹽酒洗後傳

葛氏忽得燥疽著手足肩累累如米豆刮汁
出急療之

熬蕪菁熟搗裹以展轉其上日夜勿止

若發疽於十指端及色赤黑甚難療宜按大

方非單方所及
若骨疽積年一捏一汁出不差

熬末膠粘勃瘡上乃破生鯉魚以搗之如

吹頃刮視有小蟲出更洗傳藥蟲盡則便

止差

陸五

六

姚方云燻疽者肉中忽生一黯子如豆粟劇
者如梅李大或赤或黑或白或青其壓有核
核有深根應心小久四面悉腫疱黯紫黑
色能爛壞筋骨毒入臟腑煞人南方人名為
搗著毒

著厚肉處皆割之亦燒鐵令赤烙赤三上
令焦如炭亦灸黥炮上百壯為佳早春酸
摹葉薄其四面防其長也飲葵根汁犀角
汁升麻汁折其熱內外療依丹毒法也
劉涓子療癰疽發壞出膿血生肉黃耆膏

黃耆芍藥大黃當歸芍藥獨活白芷薤白
各一兩生地黃三兩九物切猪膏二升半
煎三上三下膏成絞去滓傅充瘡中摩左
右日三

又丹癰疽始發溫淫進長并少小丹搗方

升麻黃連大黃芎藭各二兩黃芩芒消各
三兩當歸甘草炙羚羊角各一兩丸物呔
咀水一斗三升煮取五升去滓還內鍋中
芒消上杖攪令成膏適冷熱貼帛搨腫上
數度便隨手消散王練甘林所祕方慎不

陸五

七

可近陰

又燻瘡浸淫多汁日就浸大胡粉散

胡粉熬甘草炙簡茹黃連各二分四物搗
散節以粉瘡日三極驗

諸疽瘡膏方

蠟亂髮礬石松脂各一兩猪膏四兩五物
先下髮髮消下礬石礬石消下松脂松脂
消下蠟蠟消下猪膏塗瘡上

赤龍皮湯洗諸敗爛瘡方

槲樹皮切三升以水一斗煮取五升春夏

冷用秋冬溫用洗乳瘡及諸敗瘡洗了則

傳膏

發背上初欲赤便服此大黃湯

大黃甘草炙黃芩各二兩升麻二兩梔子
一百枚五物以水九升煮取三升半服得

快下數行便止不下則更服

療發背及婦人發乳及腸癰木占斯散

木占斯厚朴炙甘草炙細辛桔樓防風乾薑人參桔梗敗醬各一兩十物搗為散酒服方寸匕晝七夜四以多為善病在上常

吐在下膿血此謂腸癰之屬其癰腫即不痛長服療諸疽疔若瘡已潰便早愈發背無有不療不覺腫去時長服去敗醬多療婦人發乳諸產癥瘕益良並劉涓子方

劉涓子療癰消膿木占斯散方

木占斯桂心人參細辛敗醬乾薑厚朴炙
甘草炙防風桔梗各一兩十物為散服方
寸七入咽覺流入瘡中若癰疽灸不發壞
者可服之瘡未壞去敗醬此藥或時有癰
令成水者

性五

癰腫瘰癧核不消白蒼薄方

白蒼黃連大黃黃芩茵草赤石脂吳茱萸
芍藥各四分八物搗篩以雞子白和如泥
塗故帛上薄之開小口乾即易之差

發背欲死者

取冬瓜截去頭合瘡上瓜當爛截去更合之瓜未盡瘡已斂小矣即用膏養之

又方伏龍肝末之以酒調厚傅其瘡口乾即易不日平復

又方取梧桐子葉鐵上焙成灰絹羅蜜調傅

之乾即易之

癰腫雜効方療熱腫

以家芥子并栢葉搗傅之無不愈大驗得山芥更妙又搗小芥子末醋和作餅子貼腫及癰癧數看消即止恐損肉此療馬附

骨良

又方燒人糞作灰頭醋和如泥塗腫處乾數

易大驗

又方取黃色雄黃雌黃色石燒熱令赤以大醋沃之更燒醋沃其石即軟如泥刮取塗

陸五

九

腫若乾醋和此大秘要耳

灸腫令消法

取獨顆蒜橫截厚一分安腫頭上炷如梧桐子大灸蒜上百壯不覺消數數灸唯多為善勿令大熱但覺痛即擎起蒜蒜焦更

換用新者不用灸損皮肉如有體乾不須
灸余嘗小腹下患大腫灸即差每用之則
可大効也

又方生參
頭上核又磁石末和醋傳
之

又方甘草
塗此蕉子不中食

又方雞腸草傳

又方白蒼末傳並良

又熱腫癰

煇膠數塗一日十數度即差療小兒癰子

尤良每用神效

一切毒腫疼痛不可忍者

搜麩團腫頭如錢大滿中安椒以麩餅子

蓋頭上灸令徹痛即立止

又方搗草麻人傳之立差

手脚心風毒腫

生椒末鹽末等分以醋和傳立差

癰疽生臭惡肉者

以白蔞茹散傳之看肉盡便停但傳諸膏

藥若不生肉傳黃耆散蔞茹黃耆止一切

惡肉仍不盡者可以七頭赤皮蘭茹為散
用半錢匕和白蘭茹散三錢匕以傅之此
姚方差

惡脉病身中忽有赤絡脉起如蚓狀

此由春冬惡風入絡脉之中其血瘀所作

陸五

十

宜服之五香連翹鏡去血傳丹參膏積日
乃差余度山嶺即患常服五香湯傳小豆
得消以下並姚方

惡核病者肉中忽有核如梅李小者如豆粒
皮中慘痛左右走身中壯熱瘰癧寒是也此

病卒然如起有毒入腹殺人南方多有此患
宜服五香連翹湯以小豆傅之立消若餘
核亦得傅丹參膏

惡肉病者身中忽有肉如赤小豆粒突出便
長如牛馬乳亦如雞冠狀亦宜服漏蘆湯外
可以燒鐵烙之日三烙令稍焦

以升麻膏傅之

氣痛之病身中忽有一處如打撲之狀不可
堪耐而左右走身中發作有時痛靜時便覺
其處冷如霜雪所加

此皆由冬温至春暴寒傷之宜先服五香
連翹數劑又以白酒煮楊柳皮暖熨之有
赤點點處宜鑱去血也

五香連翹湯療惡肉惡脉惡核瘰癧風結腫
氣痛

陸五

十一

木香沉香雞舌香各二兩麝香半兩薰陸
一兩夜干紫葛升麻獨活寄生甘草炙連
翹各二兩大黃三兩淡竹瀝三升十三物
以水九升煮減半內竹瀝取三升分三服

大良

漏蘆湯療癰疽丹癩毒腫惡肉

漏蘆白欵黃苓白薇枳實炙升麻甘草炙
芍藥麻黃去節各二兩大黃三兩十物以
水一斗煮取三升若無藥用大黃下之佳
其丹毒須針鏡去血

丹參膏療惡肉惡核瘰癧風結諸脉腫

丹參葫藿各二兩秦膠獨活烏頭白及牛
膝菊花防風各一兩茵草葉躑躅花蜀椒
各半兩十二物切以苦各二升漬之一宿
猪膏四斤俱煎之令酒竭勿過焦去滓以

塗諸疾上日五度塗故布上貼之此膏亦
可服得大行即須少少服小品同

升麻膏療丹毒腫熱瘡

升麻白歛漏蘆芒消各二兩黃苓枳實連
翹地銜各三兩梔子二十枚蒴藿根四兩

十物切舂令細納器中以水三升漬半日
以猪脂五升煎令水竭去滓傳之日五度
若急合即水煎極驗方

葛氏療卒毒腫起急痛

柳白皮酒煮令熱熨上痛止

附方

勝金方治發腦發背及癰疽熱癰惡瘡等

臘月兔頭細剉入瓶內密封惟久愈佳塗
帛上厚封之熱痛傳之如冰頻換差

千金方治發背癰腫已潰未潰方

陸五

十二

香豉三升少與水和熟搗成泥可腫處作
餅子厚三分已上有孔勿覆孔上布豉餅
以艾烈其上灸之使溫溫而熱勿令破肉
如熱痛即急易之患當減快得分穩一日

二度灸之如先有瘡孔中汁出即差

外臺秘要療惡寒齋齋似欲發背或已生瘡
腫癭癰起方

消石三兩以暖水一升和令消待冷取故
青布搽三重可似赤處方圓濕布搦之熱
即換頻易立差

集驗方治發背

以蝸牛一百箇活者以一升淨瓶入蝸牛
用新汲水一盞浸瓶中封繫自晚至明取
出蝸牛放之其水如涎將真蛤粉不以多
少旋調傅以雞翎掃之瘡上日可十餘度

其熱痛止瘡便愈

崔元亮海上方治發背祕法李北海云此方
神授極奇祕

以甘草三火兩生搗別篩末大麥麩九兩
於大盤中相和攪令勻取上等好酥少許

陸五

十三

別捻入藥令勻百沸水搜如餅子劑方圓
大於瘡一分熱傅腫上以油片及故紙隔
令通風冷則換之已成膿水自出未成腫
便內消當患腫著藥時常須喫黃耆粥甚

妙

又一法甘草一大兩微炙搗碎水一大升浸之器上橫一小刀子置露中經宿平明以物攪令沫出吹沫服之但是瘡腫發背皆可服甚効

梅師方治諸癰疽發背或發乳房初起微赤不急治之即死速

消方

擣苧根傅之數易

聖惠方治附骨疽及魚眼瘡

用狗頭骨燒烟薰之

張文仲方治石癰堅如石不作膿者

生章陸根搗擦之燥即易取軟為度

子母祕錄治癰疽痔瘻瘡及小兒丹

水煮棘根汁洗之

又方末蟻螬傳之

小品方治疽初作

以赤小豆末醋和傳之亦消

博濟方治一切癰腫未破疼痛令內消

以生地黄杵如泥隨腫大小攤於布上糝

木香末於中又再攤地黄一重貼於腫上

不過三五度

日華子云消腫毒

水調決明子末塗

食療治癰腫

栝樓根苦酒中熬燥搗篩之苦酒和塗紙

陸五

古

上攤貼服金石人宜用

楊文蔚方治癰未潰

栝樓根赤小豆等分爲末醋調塗

千金方治諸惡腫失治有膿

燒棘針作灰水服之經宿頭出

又方治癰瘡中冷瘡口不合

用鼠皮一枚燒為灰細研封瘡口上

孫真人云主癰發數處

取牛糞燒作灰以雞子白和傅之乾即易
孫真人食忌主一切熱毒腫

章陸根和鹽少許傅之日再易

集驗方治腫

柳枝如脚指大長三尺二十枚水煮令極
熱以故布裹腫處取湯熱洗之即差

又方治癰一切腫未成膿拔毒

牡蠣白者爲細末水調塗乾更塗

人方治毒熱足腫疼欲脫

酒煮苦參以漬之

外臺祕要治癰腫

伏龍肝以蒜和作泥塗用布上貼之如乾

陸五

十五

則再易

又方凡腫已潰未潰者

以白膠一片水漬令軟納納然腫之大小

貼當頭上開孔若已潰還合者膿當被膠

急撮之膿皆出盡水有膿者腫當自消矣

又方燒鯉魚作灰酢和塗之一切腫上以差
爲度

又療熱毒病攻手足腫疼痛欲脫方

取蒼耳汁以漬之

又方水煮馬糞汁以漬之

肘後方治毒攻手足腫疼痛欲斷

猪蹄一具合葱煮去滓內少許鹽以漬之

經驗後方治一切癰腫無頭

以葵菜子一粒新以水吞下須臾即破如

要兩處破服兩粒要破處逐粒加之驗

又方治諸癰不消已成膿懼針不得破令速

決

取白雞翅下第一毛兩邊各一莖燒灰研

水調服之

又梅師方取雀屎塗頭上即易破雄雀屎佳

堅者為雄

謹按雄黃治瘡瘍尚矣

周禮瘍醫凡瘡瘍以五毒攻之鄭康成注

云今醫方有五毒之藥作之合黃璽置石

膽丹砂雄黃礬石以磁石其中燒之三日三

夜其煙上著以雞羽掃取之以注創惡肉
破骨則盡出故翰林學士楊億嘗筆記直
史館楊岨年少時有瘍生於頰連齒輔車
外腫若覆甌內潰出膿血不輟吐之痛楚
難忍療之百方彌年不差人語之依鄭法

陸五

十六

合燒藥成注之創中少頃朽骨連兩牙潰
出遂愈後史安寧信古方攻病之速也葦
莖若今市中所貨古蓋瓦合也近世合并
藥猶用黃瓦甌亦名黃莖事出於古也莖

音武

梅師方治產後不自乳見畜積乳汁結作癰
取蒲公草搗傳腫十日三四度易之俗呼
爲蒲公英語訛爲僕公嬰是也水煮汁服
亦得

又方治妬乳乳癰

取丁香搗末水調方寸七服

又方治乳頭裂破

搗丁香末傳之

千金方治妬乳

梁上塵醋和塗之亦治陰腫

靈苑方治乳痛癰初發腫痛結硬欲破膿令
一服差

以北來真禱皮無灰酒服方寸七就之師
及覺已差

聖惠方主婦人乳癰不消

陸五

十七

右用白麴半斤炒令黃色用醋煮為糊塗
於乳上即消

產寶治乳及癰腫

雞屎未服方寸七須臾三服愈梅師方亦

治乳頭破裂方曰

簡要濟衆治婦人乳癰汁不出內結成膿腫

名妬乳方

露蜂房燒灰研每服二錢水一中盞煎至
六分去滓溫服

又方治吹妳獨勝散

白丁香半兩搗羅爲散每服一錢七溫酒
調下無時服

子母祕錄療吹妳惡寒壯熱

猪肪脂以冷水浸捐之熱即易生效

楊炎南行方治吹妳疼痛不可忍

用穿山甲炙黃木通各一兩自然銅半兩
生用三味搗羅為散每服二錢溫酒調下
不計時候

食醫心鏡云治吹妳不痒不痛腫硬如石
以青搗皮一兩湯浸去穢焙為末非時溫

酒下二錢七

治腸癰肺癰方第三十七

葛氏大人小兒卒得惡瘡不可名識者

燒竹葉和雞子中黃塗差

又方取蛇床子合黃連二兩末粉瘡上用者

猪脂和塗差

又方燒蛇皮末以猪膏和塗之

又方煮柳葉若皮洗之亦可內少鹽此又療

面上瘡

又方臘月猪膏一升亂髮如雞子大生鯽魚

陸五

十八

一頭令煎令消盡又內雄黃苦參末二兩

大附子一枚末絞令凝以傅諸瘡無不差

胡洽療癰疽疥大効

瘡中突出惡肉者

末烏梅屑傅之又末硫黃傅上凜著唾和

塗之

惡瘡連痂痒痛

搗扁豆封痂落即差近方

小品療癩癬疥惡瘡方

水銀礬石蛇床子黃連各二兩四物搗篩

以臘月猪膏七合并下水銀攪萬度不見
水根膏成傳瘡并小兒頭瘡良襲慶宣加
藺茹一兩療諸瘡神驗無比

姚療癩疥

目雄黃一兩黃連二兩松脂二兩髮灰如彈

九四物鎔猪膏與松脂合熱搗以薄瘡上
則大良

又療惡瘡粉方

水銀黃連胡粉熬令黃各二兩下篩粉瘡
瘡無汁者唾和之

陸五

十九

小兒身中惡瘡

取笋汁自澡洗以笋殼作散傅之効

人體生惡瘡似火自爛

胡粉熬黑黃檗黃連分等下篩粉之也

卒得惡瘡

蒼耳桃皮作屑內瘡中佳

頭中惡瘡

胡粉水銀白松脂各二兩臘月猪膏四兩
合松脂煎以水銀胡粉合研以塗上日再
胡洽云療小兒頭面瘡又一方加黃連二
兩亦療得禿瘡

惡瘡雄黃膏方

雄黃雌黃並末水銀各一兩松脂二兩猪
脂半斤亂髮如雞子大以上合煎去滓內
水銀傳瘡日再

効方惡瘡食肉雄黃散

雄黃六分簡茹礬石各二分末瘡中日二
療瘡方最去面上粉刺方

黃連八分糯米赤小豆各五分吳茱萸一
分胡粉水銀各六分搗黃連等下篩先於

掌中研水銀使極細和藥使相入以生麻
油總稀稠得所洗瘡拭乾傳之但是瘡即
療神驗不傳

甘家松脂膏療熱瘡尤啣膿不痂無瘢方

松脂白膠香薰陸香各一兩當歸蠟各一

兩半甘草一兩並切猪脂羊腎脂各半合
許生地黃汁亦半合以松脂等末內脂膏
地黃汁中微火煎令黃下臘絞去滓塗布
貼瘡極有驗甘家祕不能傳此是半劑

地黃膏療一切瘡已潰者及灸貼之無痂生

陸五

二十

肉去膿神祕方

地黃汁一升松脂二兩薰陸香一兩羊腎
脂及牛酥各如雞子大先於地黃汁煎松
脂及香令消即內羊脂酥并更用蠟半雞
子大一時相和緩火煎水盡膏成去滓塗

帛貼瘡日一二易加故緋一片亂髮一雞
子許大療年深者十餘日即差生肉祕法
婦人頰上瘡差後每年又發甘家祕方塗之

永差

黃礬石二兩燒令汁盡胡粉一兩水銀一

兩半搗篩礬石胡粉更篩先以片許猪脂
於堯器內熟研水銀令消盡更加猪脂并
礬石胡粉和使粘稠洗面瘡以塗上又別
熬胡粉令黃塗膏訖則薄此粉數日即差

甘家用大驗

療癘瘡但是腰脚已下名為癘此皆有蟲食之蟲死即差此方立驗

醋泔澱一椀大麻子一盞白沙鹽末各一抄和掩以傳瘡乾更傳先溫泔淨洗拭乾傳一二度即差孔如針穴皆蟲食大驗

陞五

二十一

効方惡瘡三十年不愈者

大黃黃芩黃連各一兩為散洗瘡淨以粉之日三無不差又黃蘗分等亦佳

葛氏療白禿方

殺猪即取肚破去屎及熱以反搗頭上頓

更蟲出者肚若不盡更作取令無蟲即休
又方末熬蘆以臘月猪膏和塗之五月漏蘆
草燒作灰膏和使塗之皆先用鹽湯洗乃

傳

又方羊蹄草根獨根者勿見風日及婦女雞

犬以三年醋研和如泥生布拭瘡令去以
傳之

姚方以羊肉如作脯法炙令香及熱以榻上
不過三四日差

又方先以皂莢湯熱洗拭乾以少油麻塗再

三即差

附方

千金方治遍身風痒生瘡疥

以蒺藜子苗煮湯洗之立差千金翼方同

又方茵陳蒿不計多少煮濃汁洗之立差

千金翼方瘡癬初生或始痛痒

以薑黃傳之妙

又方嚼鹽塗之妙

又方漏瘤瘡濕癬痒浸淫日癢痒不可忍搔

之黃水出差後復發

取羊蹄根去土細切搗以大醋和淨洗傳
上一時間以冷水洗之日一傳差若爲末
傳之妙

外臺祕要治癬瘡方

取蟾蜍燒灰末以猪脂和傳之

陸五

二十二

又方治乾癬積年生痂搔之黃水出每逢陰

雨即痒

用斑猫干兩微炒爲末蜜調傳之

又治疥方

搗羊蹄根和猪脂塗上或著鹽少許佳

斗門方治疥癬

用藜蘆細搗爲末以生油調傅之

王氏博濟治疥癬滿身作瘡不可治者

何首烏及等分以水煎令濃於盆內洗之

甚能解痛生肌肉

簡要濟衆治癬瘡久不差

羊蹄根搗絞取汁用調膩粉少許如膏塗

傅癬上二五遍即差如乾即猪脂調和傅

之

鬼遺方治疥癬

松膠香研細約酌入少輕粉衮令勻凡疥癬上先用油塗了擦末一日便乾頑者三兩度

聖惠方治癬濕痒

用楮葉半斤細切搗爛傳癬上

陸五

二十三

楊氏產乳療瘡疥

燒竹葉為末以雞子白和之塗上不過三四次立差

十全方治疥瘡

巴豆十粒火炮過黃色去皮膜右順手研

如麪入酥少許膩粉少許同研勻爪破以
竹篦子點藥不得落眼裏及外腎上如熏
灸著外腎以黃丹塗甚妙

經驗方治五般瘡癬

以韭根炒存性旋搗末以猪脂油調傳之

三度差

千金方療漆瘡

用湯漬芒硝令濃塗之乾即易之

譚氏治漆瘡

漢椒湯洗之即愈

千金翼治漆瘡

羊乳傅之

集驗方治漆瘡

取蓮葉乾者一斤水一斗煮取五升洗瘡
上日再差

斗門方治漆咬

用韭葉研傅之食醫心鏡同

千金方主大人小兒風瘙癢癰心迷悶方

巴豆二兩搥破以水七升煮取三升以帛

染拭之

外臺祕要塗風癩

取枳實以醋漬令濕火炙令熱適寒溫用熨上即消

斗門方治癩癧

棟皮濃煎浴之

陸五

二十四

梅師方治一切癩

以水煮枳殼為煎塗之乾即又塗之

又方以水煮芒硝塗之

又治風癩癧方

以水煮蜂房取二升入芒硝傳上日五度

即差

聖惠方治風瘙癢癩遍身痒成瘡

用蠶沙一升水二斗煮取一斗二升去滓

温熱得所以洗之宜避風

千金翼療丹癩癧方

酪和鹽熱煮以摩之手下消

又主大人小兒風癩

茱萸一升酒五升煮取一升帛染拭之

初虞世治皮膚風熱遍身生癩癧

牛蒡子浮萍等分以薄荷湯調下二錢日

二服

經驗後方治肺毒瘡如大風疾綠雲散

以桑葉好者淨洗過熟蒸一宿後日乾爲末水調二錢七服

肘後方治卒得浸淫瘡轉有汁多起心早治

唯

二十五

之續身周匝則殺人

望以雞冠血傅之差

又方療大人小兒卒得月蝕方

於月望夕取兔屎及內蝦蟇腹中合燒爲

灰末以傅瘡上差

集驗方療月蝕瘡

虎頭骨二兩搗碎同猪脂一升熬成膏黃

又取塗瘡上

聖惠方治反花瘡

用馬齒莧一斤燒作灰細研猪脂調傳之

又方治諸瘡腐肉如蝥出數寸

用硫黃一兩細研腐肉上薄塗之即便縮

鬼遺方治一切瘡肉出

以烏梅燒為灰研末傳上惡肉立盡極妙

簡要濟眾方傳瘡藥

黃藥子四兩為末以冷水調傅瘡上乾即旋傅之

兵部手集治服丹石人有熱瘡疼不可忍方用紙環圍腫處中心填硝石令滿匙抄水淋之覺其不熱疼即止

治頭瘡及諸熱瘡

先用醋少許和水淨洗去痂再用溫水洗衰乾百草霜細研入膩粉少許生油調塗立愈

治惡瘡

唐入記其事云江左嘗有商人左膊上有瘡如人面亦無它苦商人戲滴酒口中其面亦赤色以物食之亦能食食多則寬膊內肉脹起或不食之則一臂痺有善醫者教其歷試諸藥金石草木之類悉試之無

陸五

二十六

苦至貝母其瘡乃聚眉閉口商人喜曰此藥可治也因以小筆筒毀其口灌之數日成痂遂愈然不知何疾也謹按本經主金瘡此豈金瘡之類歟

治卒得癩皮毛變黑方第四十

癩病方

此方醫癩之方也

初覺皮膚不仁或淫淫苦痒如蟲行或眼前見物如垂絲或癭癩赤黑此即急療
變夷酒佳善

療白癩

此方治白癩之方也

苦參五斤酒三斗漬飲勿絕并取皮根末

服効驗

此方治白癩之方也

又方艾千莖濃煮以汁漬麴作酒常飲使醺

醺姚同

此方治白癩之方也

姚方大蝮蛇一枚切勿令傷以酒漬之大者

一斗小者五升以糠火温令下尋取蛇一
寸許以臘月猪膏和傅瘡差

亦療鼠瘦諸惡瘡

苦參二斤露蜂房二兩麴二斤水三斗漬
藥二宿去滓黍米二升釀熟稍飲日三一

性五

二十七

方加蝟皮更佳

附方

聖惠方治大風癩疾骨肉疽敗百節疼酸眉

鬚墮落身體習習痒痛

以馬先蒿細剉炒爲末每空心及晚食前

温酒調下二錢匕

又方治大風疾令眉鬢再生

用側栢葉九蒸九曝搗羅爲末煉蜜和丸
如梧桐子大日三服夜一服熟水下五丸
十九百日即生

又方治大風頭面髭髮脫落

以桑柴灰熱湯淋取汁洗面以大豆水研
取漿解澤灰味彌佳次用熟水入菘豆
去皮取淨不過十度良三日一沐頭一日

又洗面

又方治白癩

用馬鞭草不限多少為末每服食前用荆芥薄荷湯調下一錢七

食療治癩

可取白蜜一斤生薑二斤搗取汁先稱同

鎗令知斤兩即下蜜於鎗中消之又秤五斤兩下薑汁於蜜中微火煎令薑汁盡秤蜜斤兩在即休藥已成矣患三十年癩者

平旦服棗許大一丸一日三服酒飲任下

忌生冷醋滑臭物功用甚多活人眾矣不

能生一具之

外臺祕要治惡風疾

松脂煉投冷水中二十次蜜九服二兩飢

即服之日三鼻柱斷離者三百日差斷鹽

及房室

陸五

二十八

抱朴子云

趙瞿病癩歷年醫不差家乃齋糧棄送於

山穴中瞿泊怨不幸悲歎涕泣經月有仙

人經穴見之哀之具問其詳瞿知其異人

也叩頭自陳乞命於是仙人取囊中藥賜

之教其服百餘日瘡愈顏色悅肌膚潤仙人再過視之瞿謝活命之恩乞遺其方仙人曰此是松脂彼中極多汝可煉服之長服身轉輕力百倍登危涉險終日不困年百歲齒不墮髮不白夜卧常見有光大如

鏡

感應神仙傳云崔言者職隸左親騎軍一旦得疾雙眼昏咫尺不辨人物眉髮自落鼻梁崩倒肌膚有瘡如癬皆謂惡疾勢不可救因為洋州駱谷子歸寨使遇一道流自谷中出

不言名姓授其方曰

阜角刺一二斤為灰蒸久曝研為末食上
濃煎大黃湯調一錢七服一旬鬢髮再生
肌膚悅潤愈眼目倍常明得此方後却入
山不知所之

陞五

二十九

朝野僉載云

商州有人患大風家人惡之山中為起茅
屋有烏蛇墜酒罌中病人不知飲酒漸差
罌底尚有蛇骨方知其由也用道謹按李
肇國史補云李舟之弟患風或說蛇酒治

風乃求黑蛇生置甕中醞以麴藥數日蛇
聲不絕及熟香氣酷烈引滿而飲之斯須
悉化為水唯毛髮存焉僉載之說恐不可
輕用

治卒得蟲鼠諸癩方第四十一

後有
癩瘰

姚云凡有腫皆有相主患者宜檢本方多發
頭兩邊累累有核

姚方鼠癩腫核痛未成膿方

以栢葉傳著腫上熬鹽著葉上熨令熱氣

下即消

葛氏卒得鼠癭有瘰癧未發瘡而速熱者速

療方

搗烏雞足若車前草傳之

若已有核膿血出者

以熱牛屎塗之日三

又方取白鮮皮煮服一升當吐鼠子

又方取猫狸一物料理作羹如食法空心進
之鼠子死出又當生吞其功彌効

又方取鼠中者一枚亂髮如雞子大以三歲
臘月猪脂煎之令鼠骨肉及髮消盡半塗

之半酒服鼠從瘡中出姚云秘不傳之法

劉涓子鼠瘻方

以龜殼甘草炙桂心雄黃乾薑狸骨炙六
物分等搗下蜜和內瘡中無不差先灸作
瘡後與藥良

陸五

三十

又方柞木皮五升以酒一斗合煎熟出皮煎

汁令得二升服之盡有宿肉出愈

又瘻瘡坐肉膏

棟樹白皮鼠肉當歸各二兩雄白三兩生

地黃五兩臘月猪脂三升煎膏成傅之孔

上令生肉

葛氏若瘡多而孔小是蟻癩方 煑白三兩生

又燒鱸鯉甲猪膏 和傅

又方燒蜘蛛二七枚傅良

又癩方

又煎桃葉枝作煎淨洗瘡了內孔中大驗方

葛氏若著口裏

東行棟根細剉水煮取清汁含之數吐勿

嚙

肉癩方

槐白皮搗丸綿裹內下部中傳効

鼠瘻方

石南生地黄雌黃茯苓黃連各二兩為散

傳瘡上日再

又方礬石三分燒斑猫一分炙去頭足搗下

陸五

三十一

用醋和服半七須臾瘻蟲從小便中出刪

繁方

附方

肘後方治風瘻

露蜂房一枚炙令黃赤色為末每用一錢

臘月猪脂勻調傳瘡土色黑末每用一錢

千金方治鼠瘻

以雞子一枚米下熬半日取出黃熬令黑

先拭瘡上汁令乾以藥內瘡孔中三度即

差

千金翼治蟻瘻

取鮫鯉甲二十七枚末猪膏和傳之

聖惠方治螻蛄瘻

用柵葉燒灰細研以泔別浸柵葉取洗瘡

又拭之內少許灰於瘡中

又方治一切瘰

煉成松脂末填瘡孔令滿日三四度用之

治卒陰腫痛頰卵方第四十二

葛氏男子陰卒腫痛方

灸足大指第二節下橫文理正中央五壯

佳姚云足大指本三壯灸三

小方桃核中仁熬末酒服如彈丸姚云不過

三

又方竈中黃土末以雞子黃和傅之蛇床子

又末和雞子黃傅之亦良

又方搗蕪菁根若馬鞭草傳並良姚同

又方雞翮六枚燒并蛇床子末分等合服少

隨卵左右傳卵佳姚方無蛇床子

小兒陰疝發時腫痛如刺依仙翁前灸法隨左右灸差

依仙翁前灸法隨左右灸差

陞一五

三十二

隨痛如刺方

但服生夜干汁取下亦可服丸藥下之云

作走馬湯亦在尸注中有又水五

陰丸卒縮入腹急痛欲死名陰疝

狼毒四兩防風二兩附子三兩燒蜜丸服

三九如桐子大日夜三度三四熱飲之
陰莖中卒痛不可忍
雄黃礬石各二兩甘草一尺水五升煮取
二升漬姚云療大如斗者
葛氏男子陰瘡損爛

煮黃檗洗之又白蜜塗之

又方黃連黃檗分等末之煮取肥猪肉汁漬
瘡訖粉之姚方蜜煎甘草末塗之比者見
有陰頭腫項下瘡欲斷者猪肉汁漬依姚

方即神効

陰蝕欲盡者

蝦蟇兔矢分等末敷瘡上

陰痒汁出

又嚼生大豆黃塗之亦療尿灰瘡

姚療陰痒生瘡

性五

三三

嚼胡麻塗之

葛療陰囊下濕痒皮剥

烏梅十四枚錢四十文三指撮鹽苦酒一

升於銅器內總漬九日日洗之又煮槐皮

若黃檗汁及香葉汁並良

療人陰生瘡膿出曰方

高昌白礬一小兩搗細麻人等分研煉猪
脂一合於堯器中和攪如膏然後取槐白
皮切作湯以洗瘡上拭令乾即取膏塗上
然後以楸葉帖上不過三

又陰瘡有二種

一者作曰膿出曰陰蝕瘡二者但亦作瘡
名爲熱瘡若是熱即取黃檗一兩黃芩一
兩切作湯洗之仍取黃連黃檗作末傳之

女子陰瘡

末硫黃傳上姚同又燒杏仁搗塗之

又方末雄黃礬石各二分麝香半分搗傳姚

同

若陰中痛

礬石二分熬大黃一分甘草半分末綿裹

如棗以道寸之取差

若有息肉突出

以苦酒三升漬烏喙五枚三日以洗之日

少夜三四度

若苦痒搔之痛悶

取豬肝炙熟內陰中當有蟲著所

小兒禿方

取白頭翁根搗傳一宿或作瘡二十日愈

灸頰

但灸其上又灸莖上又灸白小腹脉上及

陸五

三十四

灸脚大指三中灸一壯又灸小指頭隨頰

左右著灸

姚氏方

楊柳枝如足大指大長三尺二十枚水煮

令極熱以故紙及蠶掩腫處取熱柳枝更

取挂之如此取得差止

又卵頰

熟搗桃仁傳之亦療婦人陰腫燥即易之

小品牡丹散療頰偏大氣脹方

牡丹防風桂心豉熬鐵精分等合搗下服

方寸七小兒一刀圭二十日愈大良嬰兒

以乳汁和如大豆與之

不用藥法療頰必差方

令病人自把糯米餅子一枚并阜茨刺一

百箇就百姓間坐社處先將阜茨刺分合

社人社官二老已下各付一針即出餅子
示人從頭至尾皆言從社官已下乞針捶
社人問云捶何物病人云捶人魁周匝總
遍訖針並插盡即時餅却到家収掌於一
處餅乾頽不覺自散永差極神効

百五

三十五

附方

千金方有人陰冷漸漸冷氣入陰囊腫滿恐
死日夜疼悶不得眠

取生椒擇之令淨以布帛裹著丸囊令厚
半寸須臾熱氣大通日再易之取消差

又外臺祕要方 煎大龜日無多之如...

煎大薊根汁服之立差 煎大薊根汁服之立差

梅師方治卒外腎偏腫疼痛

干大黃末和醋塗之乾即易之 干大黃末和醋塗之乾即易之

又方桂心末和水調方寸匕塗之 又方桂心末和水調方寸匕塗之

又方治卒外有偏疼

皁莢和皮末水調傅之良

初虞世方治小癩偏大上下不定疼痛

牡蠣不限多少鹽泥固濟炭三斤煨令火

盡冷取二兩乾薑一兩炮石為細末用冷

水調稀稠口付所塗病處小便利即愈

經驗方治丈夫本藏氣傷膀胱連小腸等氣

金鈴子一百箇溫湯浸過去皮巴豆二百

箇槌微破麩二升同於銅鍋內炒金鈴子

赤熟爲度放冷取出去核爲末每服三錢

非時熱酒醋湯調並得其麩巴豆不用也

外臺祕要治膀胱氣急宜下氣

蕪荑搗和食鹽末二物等分以綿裹如棗

又大內下部或下水惡汁并下氣佳

又治陰下濕

吳茱萸一升水三升煮三沸去滓洗痒差

又治陰頭生法

以蜜煎甘草十塗之差

千金方治丈夫陰頭癰師所不能治

烏賊魚骨末粉傅之良

又千金翼方

鼈甲一枚燒炆令末以雞子白和傅之良

葛仙翁肘後用急方卷之五



